

# SPORTSKI GLASNIK TK



Informativni magazin Ministarstva za kulturu, sport i mlade Tuzlanskog kantona  
GODINA II • BROJ 2 • JUNI - DECEMBAR 2020. godine

**Sve više trofeja u kolektivnim sportovima stiže u Tuzlanski kanton**



**ŽKK RMU  
Banovići,  
FC Salines  
Tuzla City  
i RK  
Sloboda  
obradovali  
svoje  
navijače**

*Srđan Mićanović, ministar za kulturu, sport i mlade u Vladi Tuzlanskog kantona*

**U budućnosti moramo dati  
veći značaj školskom sportu  
i mlađim selekcijama**



Srđan Mićanović, ministar za kulturu, sport i mlade u Vladi Tuzlanskog kantona



# U budućnosti moramo dati veći značaj školskom sportu i mlađim selekcijama

Uskoro će biti navršene tri godine od formiranja Ministarstva za kulturu, sport i mlade Tuzlanskog kantona, na čijem čelu se aktuelni ministar Srđan Mićanović nalazio u dva navrata.

Za drugi broj Sportskog glasnika, publikaciju ovog ministarstva koja za cilj ima promociju profesionalnog, amaterskog i školskog sporta u Tuzlanskom kantonu, Srđan Mićanović je govorio o aktuelnim temama vezanim za sport, kao jednom od resora ovog mladog ministarstva.

**Koliko je u relativno kratkom periodu urađeno na ustrojstvu samog ministarstva i resorima nad kojima ministarstvo ima nadležnosti?**

**Mićanović:** Skupština Tuzlanskog kantona je prepoznala neuređenost u oblasti kulture, sporta i mladih, te je s ciljem rješavanja nagomilanih problema u ovim oblastima formirano Ministarstvo za kulturu, sport i mlade Tuzlanskog kantona 01.01.2018. godine.

Međutim, nakon političkih previranja u februaru te godine, nisam ostao na čelu Ministarstva te nisam bio u mogućnosti da sprovedem u djelo niz zadataka koji su se pred Ministarstvo postavljali. Upravo me to posebno žalosti, jer ovaj resor u samom začetku nije odgovorio svom zadatku, tačnije u periodu od 2018. do 2019.

godine je prema izvještaju koji je Vlada TK usvojila te proslijedila kantonalnoj Skupštini, navedeno da je ovo ministarstvo imalo nivo efikasnosti ispod 30 posto, a što je neprihvatljivo, te ga je 50 posto državnih službenika nažalost iz čudnih razloga napustilo.

U julu prošle godine zatekao sam disfunkcionalno ministarstvo u kojem su radila samo dva državna službenika, a za oblast sporta i mladih nije bio zadužen niti jedan zaposlenik. Uz kontinuirane razgovore sa ljudima iz oblasti kulture, sporta i mladih, 2019. godinu iskoristili smo za konsolidaciju ministarstva. Radili smo na planovima za 2020. godinu i uspjeli smo završiti sve bitne aktivnosti koje smo zatekli nezavršenim.

Moram priznati da je početak, kao i svaki, bio dosta težak, jer nije bilo jednostavno uspostaviti jedan novi sistem funkcionisanja, doći do stručnog i adekvatnog kadra koji se trebao nositi sa ubrzanim tempom rada kako bi Ministarstvo što prije postalo funkcionalno, a na kraju i kako bi bilo prepoznato od strane građana i korisnika iz ovih oblasti kao institucija koja je u službi istinskih vrijednosti razvoja kulture, sporta i mladih.

Ministarstvo za kulturu, sport i mlade TK svoj puni zamah u radu je doživjelo u 2020. godini u kojoj je za spomenute tri oblasti izdvojeno

nešto više od milion konvertibilnih maraka. Već sa početkom decembra 2020. godine smo realizovali oko 95 posto planiranih aktivnosti, mada moram priznati, ovaj je procenat znatno veći jer mnoge su aktivnosti urađene, a koje su produkt zaostalih obaveza iz ranijeg perioda, za koje smo smatrali da su značajne za dalji razvoj i rad u oblastima za koje je resorno Ministarstvo nadležno.

**Koliko je generalno dobio sport u TK formiranjem novog ministarstva?**

Smatram da je napravljen veliki iskorak, jer sportisti i sportske organizacije mogu biti sigurni da neko institucionalno vodi brigu o njima i razvoju sporta na području TK. Moramo svi biti svjesni da unazad duži niza godina imamo pad rezultata i generalno pad sportske aktivnosti, bar kad poredimo sa rezultatima na koje smo se kroz prošlost navikli. Sport je dugi niz godina bio na marginama, jer mu se nije posvećivala pažnja u mjeri u kojoj je to neophodno. Upravo formiranjem Ministarstva se trebao uspostaviti drugačiji pristup prema toj oblasti, a koji je trebao da doprinese stvaranju boljih rezultata. Međutim, zbog svih političkih previranja i loših kadrovskih rješenja, a koja sam prethodno naveo, ni ovdje nije bilo očekivanih rezultata. Ipak, 2020. godina je nešto drugo i mogu slobodno reći da sam ponosan na tim ljudi koji je

radio na unapređenju i poboljšanju uslova u oblasti sporta.

Ali, da krenem ispočetka, analizirajući stanje u sportu došli smo do određenih smjernica koje su nam ukazale na manjkavosti sistema na kojem u budućnosti moramo raditi. Prilikom planiranja rada za 2020. godinu isplanirali smo mnogo aktivnosti među kojima je i formiranje Savjeta za sport kao savjetodavog tijela za razvoj sporta na području Tuzlanskog kantona, što smo i implemenirali. U koordinaciji sa Ministarstvom, Savjet za sport u kojem se nalaze univerzitetski profesori iz oblasti sporta, dokazani sportisti i sportski radnici, radilo se na kreiranju novih kvalitetnijih kriterija za raspodjelu sredstava za tjelesnu kulturu i sport. Moram priznati da su rezultati tog timskog rada već sada vidljivi. Uspjeli smo uspostaviti jednu sistemsku bazu na kojoj kontinuirano trebamo raditi kako bi pratili svjetske trendove u sportu, ali je činjenica da uspostavljanjem sistema odnosno vraćanjem sistema u institucionalne okvire možemo vrlo brzo očekivati rezultate.

**U budžetu Tuzlanskog kantona planiraju se i finansijska sredstva za podršku razvoja sporta. U odnosu na prošlu godinu najavljeno je više sredstava za ovu stavku i modifikacija kriterija za raspodjelu tih sredstava putem**



### Javnog poziva. Koliko je od toga realizovano?

Zakon o sportu je definisao izdvajanja sredstava za sport iz Budžeta Tuzlanskog kantona. Ja lično smatram da finansijska sredstva za sport trebaju biti veća bez obzira što se mi krećemo u okviru tog procenta, ali je činjenica da za ostvarenje velikih rezultata i medalja sa velikih takmičenja moramo uložiti više. Sport je sam po sebi nešto za što se vežu pozitivne stvari, a poseban značaj sporta se ogleda u pravilnom rastu i razvoju djece i omladine čemu svi treba da težimo. Zdrava populacija pravi zdravo društvo, a sport značajno doprinosi tome. Zato kada govorimo o finansijskim sredstvima

sam prethodno napravio mali uvod da su Savjet za sport i Ministarstvo timskim radom uspjeli implementirati ovaj zadatak koji smo pred sebe postavili početkom godine. Naime, dosadašnji kriteriji po kojima se vršila raspodjela sredstava vremenom su zastarili i zahtjevali su unapređenje.

Ovdje bih posebno istakao da je dosadašnji način raspodjele sredstava imao više subjektivnu notu i išao u korist klubova koji imaju manje radne navike i slabije rezultate, za razliku od ovoga što imamo danas, gdje su rezultati i rad nagrađeni daleko više. Donošenjem novih kriterija mi smo ispunili dato obećanje i siguran sam da će se ovakvim radom svake godine vidjeti i

### perspektivnih sportista?

Da, Vlada je prvi put u formi općeg akta utvrdila kriterije za stipendiranje i nagrađivanje sportista. Mislim da je ovo kruna u 2020. godini, jer ovim aktom sportisti su stavljeni u prvi plan. Svako od njih je sada siguran da će za rezultat koji se cijeni biti adekvatno nagrađen. Zahvaljujući ovim kriterijima uvidjeli smo da u budućnosti posebno moramo dati značaja školskom sportu i mlađim selekcijama, jer to predstavlja bazu za stvaranje vrhunskih rezultata. Poseban značaj u razvoju školskog sporta i mlađih selekcija će imati sportski savezi koje smatramo najvažnijim saradnikom, a koji ujedno treba da u okviru svake

2021. godina, Ministarstvo je stavilo mnoštvo zadatka pred sebe. Naime, uvidjelo se da postoji veliki problem u stručnim kadrovskim kapacitetima sportskih organizacija, te je upravo primarni cilj pokušati usmjeriti sportske organizacije ka stvaranju uslova za adekvatnim rješenjima. Tu prvenstveno mislim na stručno osoblje koje je definisano Zakonom o sportu, jer bez stručnih ljudi teško da možemo očekivati ostvarenje ciljeva.

Raditi ćemo užurbano na zadatku koji se nažalost nije uspio završiti u prethodnom periodu i koji je definitivno od izuzetne važnosti, a to je formiranje registra pravnih i registra fizičkih lica u oblasti sporta. Preko registra ćemo doći do



### U 2020. godini nas je zadesila pandemija korona virusa. U kojoj mjeri je uticala na sportske aktivnosti u Tuzlanskom kantonu i koliko je Vlada Tuzlanskog kantona učinila da pomogne u novonastaloj situaciji?

Pandemija je uticala na sve sfere našeg života pa i na oblast sporta. Došli smo u paradoksalnu situaciju da nam zbog našeg zdravlja onemogućavaju da se bavimo sportskom aktivnošću, a svjesni smo da sportska aktivnost pozitivno djeluje na zdravlje.

Želim ovom prilikom da se zahvalim svim sportskim organizacijama na području TK koje su vrijedno i marljivo pratile smjernice Kriznog štaba i uspjele uz sve propisane zdravstvene mjere da održe funkcionalnost i aktivnost. Vlada TK je prepoznala situaciju u kojoj se zbog pandemije nalaze sportske organizacije te nije smanjivala finansijska sredstava spram prethodne godine dok smo mogli vidjeti da je većina drugih nivoa vlasti značajno smanjivala sredstva za sport, što je još jedan pokazatelj brige i ispravne politike Vlade TK prema ovoj oblasti.

Također smo i kroz kriterije ove godine omogućili da sportske organizacije mogu po Javnom pozivu da pravdaju finansijska sredstva i za dio troškova za rad svojih uposlenika koji su uredno prijavljeni, a za period zabrane rada.

moram istaći da upravo zbog ovoga što sam naveo Vlada Tuzlanskog kantona podržava sport, i sredstva se ipak povećavaju. U 2020. godini za sport je izdvojeno 705 hiljada KM, što je neznatan rast u odnosu na 2019. godinu, ali ako se uzme u obzir da je period kada je sportska aktivnost svedena na minimum zbog pandemije, mislim da ne možemo biti nezadovoljni.

Što se tiče Javnog poziva i modificovanih kriterija već

rezultati u sportu. Iskreno se nadam da će i drugi slijediti naš primjer, kako bi zajedničkim snagama uspostavili sistem vrijednosti koji će nam možda uskoro kao rezultat donijeti neku medalju sa Olimpijskih igara.

**Vlada Tuzlanskog kantona prvi put je utvrdila uslove i kriterije za dodjelu nagrade i stipendije u sportu Tuzlanskog kantona. Kakvi efekti se očekuju od stipendiranja**

sportske grane budu od velike pomoći klubovima na jačanju njihovih kapaciteta.

### Koji su primarni ciljevi Ministarstva kada je u pitanju sport u 2021. godini?

Na ovo pitanje bi bilo mnogo lakše odgovoriti da imamo Strategiju razvoja sporta, koju smo planirali započeti u 2021. godini. Međutim, dok ne budemo imali usvojen strateški dokument imamo naše godišnje planove. Kada je u pitanju

kvantitativnih i kvalitativnih podataka koji će nam biti baza i pretpostavka za konačni početak izrade Strategije, a koja nam stručno morati odgovoriti gdje je to trenutno sport u TK i gdje ga mi želimo vidjeti u narednom periodu. Samo uz konkretne i realne ciljeve te niz akcionih planova sa praćenjem implementacije i obavješćavanjem javnosti možemo doći do napretka u željenom smjeru – istakao je ministar Mićanović.

# Futsal klub „Salines Tuzla City” postigao veliki rezultat u kratkom periodu



Ministar za kulturu, sport i mlade Tuzlanskog kantona Srđan Mićanović sa savjetnikom za sport Lejtom Elezović, u junu je primio predstavnike uprave Futsal kluba „Salines Tuzla City” koji su ove godine osvojili titulu prvaka BiH u futsalu. Predsjednik Skupštine Kluba Boris Filipović, Radan Pavljašević i Željko Tomić ovom su prilikom predstavili planove za nastup u UEFA Ligi prvaka, gdje je ovaj klub u

međuvremenu uspješno prošao prvu prepreku,

Ministar Mićanović je predstavnicima ovog kluba čestitao što su relativno kratkom periodu od osnivanja, u Premijer futsal ligi Bosne i Hercegovine ostvarili tako značajan rezultat.

„Podrška ovom, kao i svim sportovima koji postižu uspjehe neće izostati”, rekao je ministar Mićanović naglasivši da je intencija Ministarstva na čijem je on čelu kao i Vlade Tuzlanskog

kantona da raspodjela sredstava namijenjenih za sport bude poštenija i ravnomjernija te da oni koji postignu dobre rezultate mogu očekivati finansijsku i institucionalnu podršku.

I pored ne tako velikih sredstava kojima resorno ministarstvo raspolaže za oblast sporta ministar Mićanović

je kazao da će nastojati da u skladu sa ostvarenim rezultatom pomoć malonogmetnom klubu bude bolja nego do sada.



## Hajrudin Trle obilježava pola vijeka u biciklizmu

Ministar Srđan Mićanović u augustu je organizovao prijem za Hajrudina Trlea, proslavljenog biciklistu iz Tuzle koji ove godine obilježava 50 godina bavljenja biciklizmom.

Hajrudin Trle je u svojoj više-decenijskoj karijeri bio aktivan sportista, neumorni zaljubljenik u biciklizam koji je dugo zadržao takmičarski žar i uspješno nastupao čak i u kategoriji veterana. U pet decenija u biciklizmu bio je trener i selektor reprezentacije, a najviše je dao svom BK Zmaj od Bosne

koji je jedan od najtrofejnijih klubova u Bosni i Hercegovini i u kojem su stasale generacije mladih ljudi odgajane u sportskom duhu, i naučene da njeguju vrijednosti poštovanja i kontinuiranog rada.

Ministar Mićanović je tokom susreta sa proslavljenim biciklistom istakao da je sportski put Hajrudina Trlea primjer drugima, a sama činjenica da je pola vijeka posvećen sportu, kao i takmičarski i trenerski rezultati koji ostaju iza njega govori da se radi o čovjeku izuzetne upornosti i istrajnosti.





# Najbolji takmičari AK “Sloboda-Tehnograd” zadovoljni programom stipendiranja

U Ministarstvu za kulturu, sport i mlade Tuzlanskog kantona u septembru je organizovan prijem za najbolje atletičare Atletskog kluba “Sloboda-Tehnograd”. Bila je to prilika da se predstavnike jednog od najuspješnijih sportskih kolektiva u našoj zemlji upoznaju sa novinama Ministarstva u nagrađivanju vrhunskih sportaša i mogućnostima na kojim im resorno ministarstvo može pomoći u daljem sportskom djelovanju.

Seniorski prvaci BiH za 2020. godinu Hajrudin Vejzović, stipendista Ministarstva iz prethodne godine Rusmir Malkočević i Nejla Kamerić te nosilac bronzane medalje Edhem Vikalo ovom su prilikom ministru Mićanoviću predstavili



najnovije uspjehe na sportskim takmičenjima i potvrdili svoju predanost aktivnostima koje na najbolji način predstavljaju našu zemlju u inozemstvu.

Naglasivši važnost ličnog kontakta, ministar Mićanović je kazao da sportaši moraju znati da neko prati njihova postignuća. Resorno ministarstvo, rečeno je

ovom prilikom, uradilo je Pravilnik i postavilo kriterije za dodjelu nagrade i stipendije u sportu TK, što predstavlja pomak od prethodnih godina. „Na taj način”, kazao je ministar Mićanović, „svaki će sportaš, prema svojim postignućima, znati da li je ispunio kriterije za stipendiju i neće morati čekati javne pozive za dodjelu

sredstava.”

Direktorica kluba Delić-Selimović naglasila je potrebu prepoznavanja uloge vrhunskog sporta i uspostavljanje sistema koji će omogućiti privlačenje takvih sportaša te pohvalila promjene koje postepeno uvodi resorno ministarstvo u oblast sporta.

## Atletičari iz Doboj Istoka ponos općine i Tuzlanskog kantona

Premijer Tuzlanskog kantona Denijal Tulumović i ministar za kulturu, sport i mlade Srđan Mićanović sredinom godine su organizovali prijem za Jasmina Mujića, Osmana Junuzovića i Belmina Mrkanovića trenera i takmičare Atletskog kluba „Doboj Istok” koji su ostvarili zapažene rezultate na maratonskoj utrci koja je održana na području Sarajeva i Istočnog Sarajeva.

Osim trenera i takmičara, prijemu je prisustvovao i načelnik Općine Doboj Istok Kemal Bratić koji je istaknuo da se radi o jednim od najboljih atletičara u BiH.

Sarajevski maraton je bio prva certificirana cestovna maratonska utrka na području Sarajeva i Istočnog Sarajeva, a ovo je ujedno bilo i prvo Državno prvenstvo BiH u maratonu kao i prvi maraton u regionu koji je organizovan u specifičnim uvjetima koji su prilagođeni epidemiološkoj situaciji uzrokovanom pandemijom

COVID-19.

Premijer Tulumović i ministar Mićanović su čestitali takmičarima i treneru na izvanrednom sportskom rezultatu, ali i drugim respektabilnim rezultatima koje ovaj atletski klub ostvaruje u posljednje vrijeme.

Posebne čestitke uputili su Junuzoviću na ostvarenoj pobjedi u maratonu jer taj rezultat je još i veći imajući u vidu da se ne radi o

Junuzovićevoj primarnoj disciplini. Njegove primarne discipline su trčanje na tri hiljade metara sa zaprekama i bez zapreka, kao i trčanje na pet hiljada metara, a za maraton se Osman niti ne priprema u svakodnevnim treninzima.

„Za razliku od dosadašnjeg djelovanja, Vlada Tuzlanskog kantona opredijelila se za sistemsku podršku sportu i

sportistima. Na prvom mjestu utvrdili smo kriterije za stipendiranje sportista, a i na druge načine pomoći ćemo omasovljenje sporta i nagrađivati one perspektivne sportiste i sportiste koji postižu vrhunske rezultate”, kazao je premijer Tulumović, ističući da takva podrška mora dolaziti istovremeno i od nižih, ali i od viših nivoa vlasti.



## Tuzlanski kanton je imao svoje predstavnike na evropskim prvenstvima mladih sportista u ritmičkoj gimnastici i boksu



**P**red odlazak na Evropska prvenstva u ritmičkoj gimnastici i boksu, gdje je Tuzlanski kanton putem bh. reprezentativaca imao svoje predstavnike, u Ministarstvu za kulturu, sport i mlade u znak podrške su organizovani prijemi za mlade sportiste.

Evropsko prvenstvo u ritmičkoj gimnastici za mlađe kategorije održano je u novembru u Kijevu (Ukrajina), a u sastavu selekcija Bosne i Hercegovine našle su se i dvije takmičarke sa područja Tuzlanskog kantona, Irma Jukić i Amila Bećirović.

Tim povodom ministar Mićanović

je u prostorijama Ministarstva za kulturu, sport i mlade održao ugodan sastanak sa predstavnicima naše reprezentacije. U razgovoru je istakao da je Ministarstvo svoje ciljeve usmjerilo na isticanje značaja sporta za Tuzlanski kanton, te su nastojanja Ministarstva da se vrhunski rezultati adekvatno nagrade. Naglasio je da je pojavom pandemije još veći značaj rezultata koje su ostvarile Irma i Amila, jer uslovi za treniranje i održavanje sportskih takmičenja su dodatno otežani.

„Ministarstvo će nastaviti sa aktivnostima kojima se pruža podrška vrhunskim rezultatima, ali će u okviru svojih nadležnosti

značajno raditi i na uspostavljanju sistema koji će pružiti najbolje moguće uslove za sportiste koji budu nosili dres reprezentacije Bosne i Hercegovine“ riječi su ministra Mićanovića.

Takmičarke Irma i Amila su se zahvalile na ponovnom prijemu i podršci od strane Ministarstva, te su rekle da će dati svoj maksimum kako bi ostvarile što bolji rezulta u Kijevu. Ministar je uputio čestitke gimnastičarkama na plasmanu na Evropsko prvenstvo i poželio da dostojno predstave Bosnu i Hercegovinu i naš kanton.

Na Evropskom prvenstvu za mlade kategorije „u boksu koje

je u novembru održano u Budvi, učestvovao i bh. reprezentativac Bosne i Hercegovine Alija Mešić, bokser kluba „Grad Tuzla“.

Odličan učenik i sjajan sportista Alija Mešić, zajedno sa trenerom Ervinom Bristićem i klupskim kolegom Mirzom Mrkonjićem, tim povodom bio je gost ministra Mićanovića. Ministar je u razgovoru istakao da će Ministarstvo nastaviti sa aktivnostima kojima se pruža podrška vrhunskim rezultatima i perspektivnim sportistima.

Ervin Bristić, trener Bokserskog kluba „Grad Tuzla“ istakao je da rezultati nisu slučajni već da su očekivani, jer je mnogo truda uloženo kako od strane takmičara tako i samog kluba. Naglasio je da boks kao plemenita vještina postaje sve popularniji na ovim prostorima i da se značajno omasovio. Takođe, smatra da se bez podrške nadležnih institucija teško mogu očekivati rezultati, zbog čega se posebno zahvalio ministru na prijemu i prepoznavanju značaja podržavanja takmičara koji nose dres Bosne i Hercegovine, ali i perspektivnih takmičara kao što je Mirza Mrkonjić.

## Univerzitet u Tuzli otvorio Centar za istraživanje u sportu

# Sportistima omogućena najsloženija ispitivanja

**S**večanim otkrivanjem ploče premijer Tuzlanskog kantona Denijal Tulumović i rektorica Univerziteta u Tuzli u junu su otvorili Centar za istraživanje u sportu. Svečanom otvorenju pored premijera prisustvovala je delegacija Vlade Tuzlanskog kantona u kojoj je bio i ministar za kulturu, sport i mlade Srđan Mićanović.

Kako je istakao dekan Fakulteta za tjelesni odgoj i sport Vlatko Šeparović, Centar za istraživanje u sportu je organizaciona jedinica Fakulteta koja će omogućiti jaču vezu i integraciju Fakulteta i sportskih kolektiva, te stvoriti mogućnosti za obavljanje i najsloženijih testiranja i ispitivanja.

Otvorenje Centra plod je entuzijazma, vizije i zalaganja nastavnika i saradnika na ovom fakultetu, čime Fakultet za tjelesni odgoj i sport, kao jedan od najmlađih fakulteta na Univerzitetu u Tuzli, može biti primjer u kojem pravcu se može razvijati visokoškolska ustanova. Teoretska i praktična znanja i vještine kojima studenti ovladaju u studijskim programima, osnova su da se pod mentorstvom nastavnika studenti uključe u stručno – istraživačke i naučno – istraživačke programe čiji ishodi mogu i trebaju unaprijediti rad u sportu, rekreaciji, tjelesnom odgoju, ali i zdravlju uopće, rečeno je prilikom otvaranja.



- Naš zajednički strateški cilj treba biti da u narednom periodu Centar postane priznat kao jedna od vodećih regionalnih naučnih organizacija u polju sporta i dijagnostike. Centar za istraživanja u sportu ima potencijal da postane jedna od glavnih karika u lancu povezanosti sa svim sportskim, zdravstvenim i institucionalnim savezima i ministarstvima, a na putu do tog cilja, u Vladi Tuzlanskog kantona imat će punu podršku - kazao je premijer Tulumović.

Delegacija Vlade je ovom

prilikom posjetila i Kampus Univerziteta u Tuzli gdje su već napravljeni određeni pomači u revitalizaciji sportskih terena, a mnogi novi projekti se planiraju realizirati u skorije vrijeme.

Do sada su u u Kampusu Univerziteta u funkciju stavljeni poligon za kineziološku dijagnostiku i trening, te završeni radovi rekonstrukcije sportskih terena, terena sa umjetnom travom i rasvjetom, basket terena, velikog nogometnog terena, teniskog terena, a urađena je i prateća infrastruktura.



Podsticajni i selektivni uticaj na razvoj sporta

# Vlada TK u 2020. godini dodijelila 31 sportsku stipendiju



Vlada Tuzlanskog kantona u 2020. godini prvi puta je utvrdila uslove i kriterije za dodjelu nagrade i stipendije u sportu Tuzlanskog kantona. Ovom odlukom precizirane su osobe kojima se mogu dodijeliti nagrade i stipendije, sportski rezultati za koje se dodjeljuju nagrade i stipendije, te je definiran postupak, način dodjeljivanja i iznos nagrada i stipendija za ostvarene sportske rezultate.

Konačni cilj je da se podsticajno i selektivno utječe na razvoj sporta i sportskih dostignuća na području Kantona. U dosadašnjoj praksi nisu postojali kriteriji koji su definisali prava na dodjelu nagrade i stipendije za ostvarene sportske rezultate. Povremeno su se donosile odluke za dodjelu sredstava u zavisnosti od namjene planiranih sredstava u budžetu za svaku fiskalnu godinu.

Kriterijima je predviđeno nagrađivanje i stipendiranje sportista koji su ostvarili vrhunske, zapažene i perspektivne sportske rezultate, te se po prvi puta nagrađuju rezultati specijalne olimpijade.

Predviđeno je i nagrađivanje školskih sportskih rezultata na zvaničnim školskim takmičenjima organizovanim na području Tuzlanskog kantona i na području Federacije Bosne i Hercegovine.

Analizirajući stanje u sportu Tuzlanskog kantona, Ministarstvo za kulturu, sport i mlade je mišljenja da ovakav pristup koji se ogleda u jasno definisanim kriterijima, utvrđenim u formi općeg akta, može stimulatивно djelovati na sportiste, te predstavlja sistemski pristup kojim se počinju rješavati problemi u sportu.

Za ovu namjenu je izdvojeno 73.440 KM, raspoređenih na 31 dodijeljenu stipendiju



## Sportske stipendije u 2020. godini dobili su

### Seniori:


Osman Junuzović (atletika), Lejla Sejdinović (džudo), Belma Omerović (karate), Mensur Đozić (karate), Hamza Čajić (karate), Alija Filipović (sportski ribolov), Muris Đug (sportski ribolov), Edina Brkić (rock and roll), Adnan Smajlović (rock and roll), Mesud Selimović (kick box), Ermin Jusufović (sjedeca odbojka), Jasmin Brkić (sjedeca odbojka), Rusmir Malkočević (atletika), Hajrudin Vejzović (atletika), Jasmin Nokto (kungfu wushu), Selmir Memić (kungfu wushu).

### Mlađi seniori i juniori:

Belmin Mrkanović (atletika), Vanja Hodžić (tenis), Emina Abdulić (karate), Haris Muradbašić (karate), Azra Dahalić (karate), Sadin Mulahalilović (karate), Almina Halilović (karate), Ena Baltić (tenis), Almin Hodžić (kick box), Mahir Duranović (karate), Husein Selimović (biciklizam), Stefani Krešić (karate), Sandro Krešić (karate), Damir Anić (kungfu wushu), Hasan Sejdinović (specijalna olimpijada – atletika).

Fakultet za tjelesni odgoj i sport  
Univerziteta u Tuzli organizovao  
13. Međunarodni simpozij  
„Sport i zdravlje“

# U fokusu tjelesna aktivnost za vrijeme pandemije



**T**rinaesti put za redom Fakultet za tjelesni odgoj i sport Univerziteta u Tuzli organizirao je Međunarodni simpozij "Sport i zdravlje" koji se održao online putem zbog pandemije koronavirusa. Ipak, dekan Fakulteta za tjelesni odgoj i sport dr.sc Vlatko Šeparović ističe kako je najvažnije da se simpozij održao i da je zadržan kontinuitet.

-S obzirom na situaciju u kojoj se svi skupa nalazimo odlučili smo se da i Simpozij bude sa primjerenom temom. Svaka nevolja donosi i izazove. Mi smo na taj izazov odgovorili organizacijom Simpozija. Željeli smo iskoristiti priliku da trojica mladih doktoranata se predstave široj javnosti. Dr. sc. Edin Užićanin je održao predavanje o „Model organizacije nastave na Fakultetu za tjelesni odgoj i sport za vrijeme pandemije“, dr.sc Sanjin Hodžić o „Boravak u prirodi kao i tjelesnom i mentalnom lijeku u izazovima savremenog društva“ i dr.sc Jasmin Zahirović o „Značaju programskih sadržaja fitnesa u nastavi tjelesnog odgoja za vrijeme pandemije - rekao je dekan



dr.sc Vlatko Šeparović

Fakulteta za tjelesni odgoj i sport Univerziteta u Tuzli dr.sc Vlatko Šeparović.

Profesor Jasmin Zahirović o temi koju je prezentovao kaže:

„Prezentovao sam osnovne programe i tjelesne aktivnosti za vrijeme pandemije koronavirusa, a koje su vezane za fitness programe. Sadržaji fitnesa imaju značajnu ulogu u nastavi tjelesnog odgoja i sporta. Međutim minimalno su zastupljeni jer fitness nije uveden kao osnova u nastavni plan i program tjelesnog odgoja i sporta. Za vrijeme pandemije pokazalo da baš ti oblici aktivnosti i najbolje mogu uticati na smanjeno kretanje kod naših mladih. Fitness pomaže našem školskom i starijem uzrastu



dr.sc. Jasmin Zahirović

da se aktiviraju bez rekvizita, a pritome da imaju komunikaciju sa svojim profesorom tjelesnog odgoja i sporta. Mi smo to pokazali primjerom na fakultetu za tjelesni odgoj i sport jer smo napravili deset emisija za online vježbanje. Na taj način smo dali minimalne upute profesorima tjelesnog odgoja i sporta kako mogu aktivirati svoj razred“ izjavio je dr.sc. Jasmin Zahirović.

Profesor Sanjin Hodžić ističe važnost boravka u prirodi, čime se bavio u svojoj temi.

„Preznetirao sam temu o tjelesnom mentalnom sklopu koji je povezan sa prirodom u izazovima savremenog življenja pogotovo sada kada imamo problema sa dejstvom



dr. sc Sanjin Hodžić

pandemije koronavirusa. Boravak u prirodi, pokazuju brojna istraživanja, pospješuje kako tjelesni tako i mentalni odnos samih sudionika u prirodnom okruženju. To je jedna neophodnost u ovim vremenima. Uvidjeli smo to u vrijeme karantene kako su nam u četiri zida nedostajali druženje i boravak u prirodi. Nedostaju nam aktivnosti za koje smo pomalo i zaboravili“, istakao je dr. sc Sanjin Hodžić.

Fakultet za tjelesni odgoj i sport Univerziteta u Tuzli očekuje da će dogodne Međunarodni simpozij "Sport i zdravlje" okupiti renomirane stručnjake i održati u obliku kako je to bilo prethodnih godina.

**N. Salaharević / TIA**



Promovisana sportska dostignuća u svim lokalnim zajednicama Tuzlanskog kantona

# Uspješno realizovan projekat „Timski za sport“

U 2020. godini ljubitelji sporta mogli su uživati u sportskim reportažama koje je Ministarstvo za kulturu sport i mlade u saradnji sa RTV Slon uspješno realizovalo kroz serijal „TIMSKI ZA SPORT“.

U fokusu serije emisija bili su sportisti i sportski radnici iz 13 lokalnih zajednica Tuzlanskog kantona, koji su ispričali do sada neispričane priče kojima je predstavljeno stanje sporta u Tuzlanskom kantonu ali i ostavili

trajno svjedočanstvo o sportskim uspjesima sportskih junaka lokalnih zajednica.

–Prilikom preuzimanja ovog resora uradili smo analizu iz koje smo definisali nekoliko kratkoročnih i dugoročnih mjera. Jedna od kratkoročnih je bio i promocija sporta u Tuzlanskom kantonu. Ranije se išlo prilično bojažljivo i siromašno u promociju sporta, što je rezultiralo pogrešnom percepcijom da nemamo dobre rezultate. To je



daleko od istine, a ovaj serijal emisija je to samo i dokazao – istakao je Srđan Mićanović.

Reakcije publike na realizovanih 14 emisija su bile i više nego pozitivne, što je samo

još jedan dokaz da je ulaganje u promociju sporta bitan segment u nastojanju ministarstva da se ovaj segment kvaliteta života građana Tuzlanskog kantona podigne na viši nivo.

Vlada TK odoborila 70.000 KM za tuzlanski „hram sporta“


## Obnova SKPC „Mejdan“ je od interesa za cijelu BiH

Vlada Tuzlanskog kantona odobrila je novčana sredstva u iznosu od 70.000 KM JP SKPC Mejdan d.o.o. Tuzla kao pomoć za sufinansiranje dijela troškova za sanaciju velike sportske dvorane, kuglane, poslovnih prostora i svlačionica, nakon poplave koja je napravila veliku štetu u ovom objektu.

Ministar za kulturu, sport i mlade TK Srđan Mićanović kazao je da će sredstva biti namjenski utrošena za adaptaciju velike dvorane i svih objekata koji su oštećeni prilikom prirodne nesreće – poplave.

Pored ovih finansijskih sredstava, prema riječima ministra Mićanovića, Ministarstvo za kulturu, sport i mlade će u septembru oglasiti javni poziv za dodjelu finansijskih sredstava za oblast sporta.

„Za ovu namjenu imamo



### Pismo zahvale iz SKPC Mejdan

Na adresu Ministarstva kulture, sporta i mladih TK pristiglo je pismo SKPC „Mejdan“ kojim se osim, izvještaja o planiranom korištenju dodijeljenih sredstava, ističu i riječi zahvalnosti za dosadašnji angažman i doprinos u oblasti sporta.

„Svakako da nam je drago da je direktor Mejdana, kao najvećeg sportskog, privrednog i kulturnog centra u Tuzlanskom kantonu prepoznao naš trud, rad, zalaganje i doprinos kojeg smo dali za unaprjeđenje sporta u našem kantonu – istakao je Mićanović.

705.000 KM, kao podrška sportu na području TK. U okviru tog programa imamo podršku javnim preduzećima, javnim ustanovama koji u svojem vlasništvu imaju sportske dvorane i kroz taj program ćemo pomoći i „Mejdanu“ i svim ostalim sportskim dvoranama na području TK. Ta namjenska sredstva su za trenažne procese koji se odvijaju u sportskim dvoranama širom kantona.

JP SKPC „Mejdan“ je prošlih godina „povlačio“ otprilike od 20-25000 KM na ime trenažnih procesa onih ekipa koje obavljaju svoje trenažne procese u „Mejdanu“. Samim tim očekujemo da u ovih nekoliko narednih mjeseci doznačimo Mejdanu oko 100 000 KM“, istaknuo je ministar Mićanović.

Budući da je tuzlanski sportski centar mjesto gdje se dešavaju manifestacije i sportske aktivnosti koje su od interesa i značaja za Bosnu i Hercegovinu ministar Mićanović pozvao je i više nivoje vlasti da se odazovu i finansijski pomognu obnovu „Mejdana“ kao interesa cijele BiH.

### Gradačac: Kula pobjednik Kupa FBiH u odbojci

Odbojkašice Kule Gradačac ni u ovoj sezoni ne pružaju briljantne partije i grčevito se bore za opstanak. Ipak tračak nade da bi sezona koliko-toliko mogla biti uspješna dalo im je osvajanje Kupa Federacije BiH, nakon što su u finalu u tuzlanskom Mejdanu pobijedile domaću Slobodu sa 3:2, te se plasirale na finalni turnir.



**GRADAČAC**

### Doboj Istok: STK Spin upisao uspješnu godinu

Stonoteniski klub SPIN jedan je od malobrojnih sportskih klubova koji egzistiraju u Doboj Istoku. Godinu 2020. ocjenjuju kao uspješnu jer su na državnim ekipnim prvenstvima BiH za mlađe selekcije osvojili dva treća mjesta, dok seniorski tim bilježi odlične rezultate u Prvoj ligi.



**DOBOJ  
- ISTOK**

**SREBR**

### Gračanica: Rukometaši u 1/8 finala European Cupa

Rukometni klub Gračanica plasirao se u osminu finala Evropskog kupa, nakon što je izraelski Holon obavijestio EHF da nije u mogućnosti organizovati dvomeč protiv našeg predstavnika. U narednom krugu rukometaši Gračanice igraju protiv ruske ekipe Neva iz St. Petersburga.



**GRAČANICA**

### Tuzla: Oproštaj od Sakiba Malkočevića

Tuzla se posljednjim ispraćajem oprostila od Sakiba Malkočevića (55), nekadašnjeg trenera Slobode i selektora kadetske reprezentacije Bosne i Hercegovine, Malkočević je poslije duže bolesti preminuo 24. oktobra 2020. Brojni građani, rodbina, prijatelji i poznanici s tugom i boli su se opraštali od popularnog Soka.



**LUKAVA**

### Lukavac: FK Radnički u 2021. slavi vijek postojanja

Fudbalski klub Radnički iz Lukavca osnovan je 18. maja 1921. godine kao FK Solvay. Kroz historiju je mijenjao imena u FK Svačić, Kemičar, Radnički, Lukavac, te od 2000. ponovo kao Radnički. Klub 2021. godinu u kojoj će proslaviti 100 godina postojanja dočekuje kao član Druge lige FBiH Sjever.



**BANOVIĆI**

### Banovići: Željezničar bi napunio stadion

FK Budućnost piše još jednu prosječnu sezonu u Prvoj ligi FBiH. Ono po čemu bi je mogli pamtiti je gostovanje sarajevskog Željezničara u 1/16 finala Kupa BiH. Sarajlije su pobijedile sa 1:2, a ono za čim više od poraza žale u Banovićima je što se utakmica zbog COVID-19 protokola igrala bez publike. U drugom okolnostima „Plave“ bi dočekale pune tribine i praznik fudbala.



### Živinice: Živinice ponovo imaju gradski derbi u košarci

Da u jednoj košarkaškoj ligi u Bosni i Hercegovini igraju dva kluba iz istog grada prava je rijetkost. Tu privilegiju imaju u Živinicama koje daju dva A1 ligaša. KK Spartans je uspio sačuvati status ligaša zahvaljujući pandemiji i neispadanju iz ovog ranga takmičenja, dok je KK Živinice povratnik u ovu ligu. U prvom dijelu prvenstva slavio je KK Živinice koji bolje stoji i na tabeli.





### Srebrenik: OK Gradina-Herceg korača prema društvu najboljih

Odbojkaši Gradine-Herceg iz Srebrenika prvi dio sezone u okviru Superlige FBiH – Sjever za odbojkaše okončali su bez poraza. Srebreničani imaju sedam pobjeda i veliki su favoriti za ulazak u društvo najboljih bh. odbojkaških klubova. Prvi pratilac im je ekipa Galeba iz Brčkog sa dvije pobjede manje.



### Čelić: NK Vražići 92 igra najbolju sezonu

NK Vražići 92 igra jednu od najboljih sezona u svojoj historiji. Klub iz općine Čelić zauzima treću poziciju u Prvoj nogometnoj ligi NSTK sa 27 bodova, a samo šest manje od prvoplasirane ekipe iz Kikača. Na području općine Čelić djeluje mali broj sportskih klubova, a Vražići 92 je trenutno najuspješniji.

### Teočak: Sto hiljada KM za unutrašnje radove u sportskoj dvorani

Općina Teočak potpisala je sa izvođačem radova, firmom "Klimainvest" iz Banovića, ugovor za izvođenje završnih radova u unutrašnjosti sportske dvorane. Vrijednost radova iznosi 100.600,00 KM, a ugovorom je predviđeno da se urade završni unutrašnji radovi, kao i grijanje. Time bi se stekli uslovi za konačno puštanje u funkciju ovog objekta.



### Sapna: Dvorana dobila savremenu audio opremu

Nakon izgradnje i otvorenja sportske dvorane u Sapni, nastavljene su aktivnosti na njenom uređenju. Tako je u ovoj godini isporučena i ugrađena audio oprema. Uбудuće će sapanjska sportska dvorana, kao i svi savremeni sportski objekti, imati svoje ozvučenje koje će se moći koristiti za sve sportske ali i kulturno-umjetničke manifestacije.



### Kalesija: Nikad više odbojkaških reprezentativaca

Selektor muške odbojkaške reprezentacije BiH prof.dr. Ifet Mahmutović odredio je širi spisak igrača pred kvalifikacije za EP. Na spisku tri dva odbojkaša iz Kalesije. Rusmir Halilović i Damir Mehmedović, koji su i ranije upisivali nastupe za seniorsku reprezentaciju BiH, te Mensur Alić člana OK Bosna Kalesija. I trener OK Bosna Kalesija, Edin Glogić, član je 'A' reprezentacije, na poziciji sportskog direktora.



### Kladanj: Desetogodišnja gradnja sportske dvorane u finalnoj fazi

U objektu Sportske dvorane u Kladnju izvođe se radovi na postavljanju lifta koji će biti prilagođen i za invalidna lica, kako bi mogli pristupiti tribinama ali i kafe baru. U okviru ove faze radova bit će nabavljena i postavljena dva bočna koša kao i namještaj za kafe bar, koji se nalazi na prvom spratu objekta. Kladnjaci završetak radova i puštanje u funkciju sportske dvorane čekaju od 2010. godine.



SREBRENİK

ČELIĆ

SPORTSKE  
PARALELE TK

TEOČAK

SAPNA

TUZLA

ŽIVINICE

KALESİJA

KLADANJ

Miralem Halilović, kapiten košarkaške reprezentacije Bosne i Hercegovine

# Sloboda je moj klub, na Evropskom prvenstvu možemo napraviti dobar rezultat



## Najveće pobjede

Navijači klubova za koje ste nastupali vas se sjećaju po izuzetnoj borbenosti i zalaganju na terenu, no kojih utakmica se Vi posebno sjećate?

Uvijek sam stvarno pokušavao ostaviti trag na terenu, jer to je moj način igre, velika doza energije, velika doza entuzijazma na terenu i dosta je lijepih uspomena, pogotovo zadnje tri – četiri godine. Evo ja ću izdvojiti u Zagrebu utakmicu u Kupu kada smo pobijedili Cibonu, koja je kasnije osvojila ABA ligu sa Dariom Šarićem i izdvojiti ću naravno osvajanje Druge lige ovdje u Orleansu, gdje je cijeli grad bio iza nas, gdje je bila puna dvorana i imali smo veliko slavlje. Ima tu mnogo uspomena, lijepi trenuci me vežu za Šibenik gdje je cijeli grad "gorio" za nama, navijači su na svako gostovanje išli s nama tako da stvarno ima puno lijepih uspomena. Svakako i ta pobjeda pred deset hiljada gledalaca protiv Latvije mi je jedna od dražih uspomena.

**M**iralem Halilović, kapiten i košarkaški reprezentativac Bosne i Hercegovine svoju karijeru godinama unazad gradi u Francuskoj. Uvijek se izdvajao kao vrhunski igrač i košarkaš koji od samih početaka u tuzlanskoj Slobodi daje sve od sebe na trenu. Danas je član francuskog Metropolitansa u koji je došao nakon sjajne tri godine u Orleansu, gdje je nosio kapitenšku traku i bio najbolji strijelac lige. Njegov put od škole košarke u tuzlanskim Twistersima do najbolje ekipe u Francuskoj, najbolji je pokazatelj kako se sportski život i predan rad itekako isplate.

**Nakon tri godine igranja u Orleansu, u aprilu ste potpisali za Metropolitans, također u Francuskoj, koliko ste zadovoljni?**

Tri godine sam bio u Orleansu, a u zadnje dvije godine sam nosio i kapitenšku traku. To su stvarno bile vrhunske tri godine u mojoj karijeri koje su me sigurno podigle na viši nivo. Punuda iz Metropolitansa je stvarno bila velika šansa, budući da je to tim koji je na višem nivou od

Orleansa i jedna je od tri najbolje ekipe u cijeloj Francuskoj. Pogotovo kada su rekli da će igrati Eurokup, a to je drugo najbolje natjecanje u Evropi bez dvojbe sam pristao. Potpisao sam ugovor na dvije godine i imam vrhunske uslove. Trenutno smo prvi u francuskoj ligi, i grupi i Eurokup

**Prve takmičarske korake napravili se i u tuzlanskoj Slobodi. Po čemu se sjećate tog perioda i kakve uspomene Vas vežu za Međan?**

Sloboda je moj klub i tu sam počeo svoju karijeru pod palicom Zorana Iličkovića koji je bio moj prvi trener i koji je najzaslužniji za moju karijeru u tom najranijem period. Poslije toga prelaskom u prvi tim sam se suočio sa profesionalizmom, gdje sam krenuo učiti i gdje je košarka postala moj posao. Stvarno me vežu lijepe uspomene i to je period gdje smo stvarno mnogo trenirali i imali profesionalan odnos i stvarno smo išli na najveće moguće ciljeve. Posebna uspomena me veže za posljednju godinu u Slobodi. Imao sam osamnaest

godina i u Čapljini smo igrali finale Kupa Bosne i Hercegovine. Tada smo Čaplinu dobili na njihovom terenu, pred punom dvoranom gdje su svi navijali za njih. Ta utakmica mi je ostala u posebnoj uspomeni. Od Bosne smo tada izgubili u finalu koja je bila ekipa iz ABA lige, ali mi smo stvarno imali jednu jako mladu ekipu i to je bio veliki uspjeh za nas.

**Igrali ste još i za Zagreb, Džukiju (Litvanija), Krku i Šibenik, prije nego ste 2017. godine otišli u Francusku. Koliko Vas je to izgradilo kao vrhunskog košarkaša?**

Nakon Slobode sam potpisao za Zagreb koji je bio jaka ekipa. Te godine su igrali Euroligu i po meni je to bila poprilična greška, jer je to bio preveliki korak za jednog mladog igrača, ići iz Bosanske u Euroligu. Smatram da je ta stepenica bila malo pogrešna. Kasnije sam preko Džukije u Litvaniji preko Krke, opet povratka u Zagreb tražio optimalnu ekipu gdje mogu nastaviti svoj košarkaški razvoj. Onda je uslijedio povratak u Zagreb, sezona u Šibeniku koja je bila fantastična.

Završili smo prvi u Hrvatskoj ligi i igrali polufinale gdje je cijeli grad bio iza nas i to mi je jedna od najdražih sezona u karijeri. Poslije toga došao je period karijere u Francuskoj, tako da je to bio jedan put iz kojeg ja ne bih ništa izuzeo. Volim svaki dio toga puta, jer sam puno načio i na greškama, ali i na dobrim stvarima i uživao sam u svakom trenutku.

**Košarkaška reprezentacija BiH je uspjela plasirati na Eurobasket. Vi nažalost zbog povrede niste igrali. Kako komentarišete ovaj uspjeh?**

Nisam mogao učestvovati u ovom kvalifikacijskom ciklusu, jer sam se oporavljao od povrede. Preko dva mjeseca sam se oporavljao. Momci su odigrali fantastično, nema se tu šta puno reći i stvarno sam ponosan kao kapiten ekipe da su tako reagovali i što su odigrali vrhunski. Odbranili su naš dres i na onu pobjedu iz Latvije koju smo ostvarili u prvom ciklusu nadodali još ove dvije i obezbijedili plasman. Reprezentacija je stvarno vrhunska otkako je trener Vedran Bosnić preuzeo ulogu selektora i stvarno se vraća kult reprezentacije. Svi dolaze, svi se odazovu pozivima osmijehom i žele biti dio te priče. Svi su pozitivni i žele da učestvuju sa nekom dobrom energijom. Nema nekih negativnih ekscesa i ako ih bude brzo se riješe, tako da je to najvažnije.

**Je li rano govoriti o očekivanjima na Eurobasketu?**

Rano je još govoriti ali mislim da na Eurobasketu možemo ostvariti dobar rezultat. Treba ići korak po korak. Imamo još puno vremena i treba i individualno i timski napredovati iz svakog ciklusa i iz svakog okupljanja, ostati u kontaktu. Dok sam bio povrijeđen svi članovi staffa su me stalno kontaktirali, pitali kako sam, a to su stvari koje se nisu ranije dešavale i koje nama igračima znače. Lijep je osjećaj kada cijeli staff i treneri brinu za tebe i onda kada si povrijeđen i kada ne možeš doći, ne zamjere ti, oni to razumiju jer to su sve bivši igrači. Mnogo mi je drago da se takve stvari dešavaju u našoj reprezentaciji – istakao je Halilović.

**D.D.**



Dino Hamidović, najbolji sportista Tuzlanskog kantona, karijeru nastavio u Sloveniji

# Adaptacija nije bila teška, došao sam iz kluba gdje se vrhunski radi

Nakon nekoliko uspješnih godina u RK Gračanica, Dino Hamidović, u 2019. godini najbolji sportista u Tuzlanskom kantonu, odlazi u RK Trimo Trebnje, gdje je nastavio graditi itekako uspješnu karijeru.

Dino je odigrao i sezonu iz snova u svojoj Gračanici, briljirao u dresu rukometne reprezentacije Bosne i Hercegovine, a podjednako dobre partije pruža i u Sloveniji, gdje se sa sadašnjim klubom uspio plasirati i u grupnu fazu EHF lige.

Dino Hamidović u našem razgovoru prisjetio igara u RK Gračanica, rukometnoj reprezentaciji BiH, najboljoj utakmici u najdražem dresu na kojoj je proglašen i za najboljeg strijelca, ali govori i o igrama u sadašnjem klubu. Kako je istakao, uvijek može bolje i na ovome zasigurno neće stati.

**Iako ste prošle godine odigrali sezonu iz snova, ipak ste odlučili napustiti RK Gračanica i karijeru nastaviti u Sloveniji. Šta je prethodilo tom koraku?**

Jeste sigurno, prošla sezona je bila jako dobra, i sezona iz snova kao što mnogi kažu, ali ja još uvijek žalim za tom sezonom i titulom. Mislim da smo je sigurno zaslužili. Jednostavno, odlučio sam ići naprijed u svojoj karijeri i napredovati

korak po korak. Tako sam i uradio.

**Koliko ste zadovoljni svojim igrama i angažmanom u RK Trimo Trebnje?**

Mogu reći da sam zadovoljan, s obzirom da sam došao u veoma uređen klub, u mnogo jaču ligu i totalno drugačiji



Pa sigurno, nositi dres reprezentacije je nešto najveće za svakog igrača, pa tako i za mene. Jednostavno svoju dobru formu sam prenio na reprezentativne nastupe, što je odlično rezultiralo i u toj utakmici sa Finskom. To mi je sigurno najdraža

vjerovali u to i na kraju iskoristili sve što nam se pružilo.

**Od samog početka angažmana u Sloveniji pokazali ste izvanredan talenat i zainteresovanost za igru, pa samim tim u svakoj utakmici postignete i po nekoliko golova. Koliko dnevno trenirate i koja utakmica Vam je bila posebna?**

U Sloveniju sam došao iz kluba u kojem se vrhunski radi na čelu sa Damirom Doborcem, tako da nisam imao problema nastaviti to ovdje. Za sada igramo jako dobro i iskreno se nadam da ćemo ostati na tom putu. Treniram obično dva puta dnevno po dva sata, gdje ima mnogo i video analize i ostalih stvari potrebnih za što bolju pripremu za svaku narednu utakmicu. Posebna utakmica je bila ona protiv Balatona, kada smo se plasirali u grupnu fazu EHF-lige.

**Pandemija koronavirusa poremetila je i planove naše rukometne reprezentacije, nedostaju li Vam igre za dres domovine?**

Nažalost poremetila je sve moguće tokove za normalno odvijanje života, pa tako i nastupi u najdražem dresu. Iskreno to mi najviše nedostaje, ali svi znamo da je zdravlje na prvom mjestu i da smo svi u istoj situaciji.

**D.D.**

**Kako provodite slobodno vrijeme u Sloveniji, kakva je situacija kad je u pitanju pandemija koronavirusa?**

Slobodno vrijeme najviše koristim za odmor i oporavak za naredni trening ili utakmicu, jer ga ove sezone skoro pa i nemam. U Sloveniji je jako loša situacija, svaki dan se bilježi veliki broj zaraženih. Sve osim supermarketa je mjesecima zatvoreno. Ali svi se nadamo da će ovome doći kraj i da će se život vratiti u normalu.

sistem igranja u odnosu na našu Premijer ligu. Naravno, uvijek sam stava i razmišljanja da može bolje.

**Briljirali ste prošle godine i u dresu rukometne reprezentacije BiH, a nakon susreta sa ekipom Finske proglašeni ste i najboljeg strijelca. Koliko Vam je to značilo tada i kako gledate danas na te uspjehe?**

utakmica u karijeri.

**Sa sadašnjim klubom ste se upisali u historiju, nakon što ste se plasirali u grupnu fazu EHF lige. Jeste li to očekivali?**

Ovu sezonu smo započeli na najbolji mogući način. Napravili smo najveći uspjeh kluba u historiji sa plasmanom u grupu ovog evropskog takmičenja. Cijelo vrijeme smo

Edina Selimović, bh. reprezentativka u odbojci

## Od rodne Gračanice, preko Amerike do Rumunije

Prve odbojkaške korake napravila je u svojoj Gračanici. Kasnije igrala u Americi, Rumuniji i na Filipinima, ali ništa se ne može porediti sa reprezentacijom BiH ponosno ističe jedna od najboljih bh. odbojkašica Edina Selimović (28).

Godinu je okončala u Rumuniji u CSO Voluntari, nakon što je ranije igrala u ekipi Argeša i Belor Galatija.

Nekadašnja igračica brčanskog Jedinstva, s kojim je osvojila tri uzastopne duple krune, karijeru je počela u Gračanici. Nekad najbolja kadetkinja BiH i najuspješnija sportistkinja općine Gračanica, nakon igranja na bh. parketima odlučila se za odlazak u Ameriku.

-Tamo sam shvatila da trener zapravo može biti neko ko će da me poštuje, motiviše na kulturni, fin i



profesionalan način. Jako puno se radi na mentalnoj stabilnosti igrača, a najviše na specifičnosti i usavršavanju određene pozicije, timskom radu i komunikaciji. Bio je to period kada su se postavili istorijski rekordi

univerziteta u Litl Roku sa četiri bh. odbojkašice u prvoj postavi (Edina Begić, Sonja Milanović, Adisa Hodžić i ja). Amerika nije moja zemlja snova, ali je definitivno zemlja u kojoj te tjeraju da budeš najbolja verzija sebe u svakom pogledu – izjavila je nedavno Edina Selimović. Reprezentaciju BiH u posljednjim kvalifikacijama jedan set dijelio od istorijskog plasmana na Evropsko prvenstvo.

-Ne smijemo da odustanemo jer imamo mlad i perspektivan tim, koji ima velike šanse da se kvalifikuje na Eurovoje 2021 – istakla je jedna od najboljih bh. odbojkašica.

**Živinice su i dalje rasadnik kvalitetnih nogometaša**



## Adnan Šećerović Grčku zamijenio Latvijom

**N**ogometni klub Slaven je od davnina poznat kao rasadnik talentovanih fudbalera i mnogi su sa živiničkog travnjaka, a ranije i šljake, zakoračili u vrhunski nogomet. Tim putem krenuo je i Adnan Šećerović, koji je nedavno potpisao ugovor za svoj novi klub Rigu iz Latvije.

Nakon Slavena Adnan je bio član Ajaxa, pa prešao u Rodu, zatim Nijmegen, Fortunu, Maastricht, potom se vratio u BiH i nastupao za Slobodu, otišao u austrijski Lustenau, da bi još jednom došao u klubove BiH i igrao za Radnik Bijeljina, Željezničar, Mladost DK, Tuzla City. Novi angažman januara prošle godine dobio je u Grčkoj u Super ligu i ekipi Larissa.

“U ekipi Larisse pružao sam vrlo dobre partije i za taj period dobio sam više poziva da promijenim sredinu, tako da sam

se opredjelio za Rigu. Ipak, ističem da mi je boravak u Grčkoj i igre u Larisi bilo suđeno. Podsjećam da je ime moje supruge Larisa, a da sam živio u gradu Larissi i igrao za istoimeni klub, to je zaista neobično iskustvo”.

O očekivanjima u svom novom klubu Adnan Šećerović kaže:

“Dakle, bilo mi je veoma lijepo u Grčkoj, ali je vrijeme za nove izazove, ovaj put je to Latvija. Prije svega želim da me zdravlje posluži, da nema povreda, a ostalo je sve do mene. Naravno, želimo uzeti ponovo titulu u Latviji i pokušati što dalje doći u kupovima Europe”, kaže Adnan.

Tokom svoje uspješne karijere Adnan je nastupao za kadetsku nogometnu reprezentaciju BiH, a ima i jedan nastup u seniorskom državnom timu.

**Š.G.**

**Nefisa Berberović i Anita Husarić bilježe uspjehe na turnirima u Tunisu**

## Titula u dublu je i plod dugogodišnjeg poznanstva

**N**efisa Berberović i Anita Husarić, teniserke iz Tuzle, nedavno su na seriji ITF turnira u Tunisu (Monstir, 15.000 USD), u konkurenciji dublova napravile odličan rezultat, ostvarivši jedan plasman u finale i jedan osvojeni turnir.

Tuzlanke, koje se dugo poznaju, su napokon dočekale da dobiju priliku i da igraju zajedno na ITF turnirima. Dobre rezultate pripisuju i tome što već dugo dijele iste teniske terene.

-Poznajemo se dugo i odlično se slažemo i van terena. Igrale smo zajedno u našoj Fed Cup reprezentaciji, trenirale smo zajedno i u Italiji u istoj akademiji, stvorile samo jednu dobru komunikaciju koja je vrlo bitna da

bi se u dublu na bilo kojem turniru stiglo do trofeja – istakla je Anita Husarić.

Nefisa Berberović do sada u pojedinačnoj konkurenciji ima šest ITF titula, a nakon nastavka sezone koja je bila prekinuta zbog pandemije COVID-19, na turnirima u Tunisu uspjela je doći do jednog polufinala.

-U ovom vremenu kada se igra vrlo malo ITF turnira i kada su svi igrači raspoređeni na svega četiri-pet lokacija, konkurencija je mnogo jača i to polufinale do kojeg sam stigla kao sedma nositeljica, nakon osvajanja posljednjeg turnira u martu, za mene je rezultatski uspjeh – rekla nam je Nefisa Berberović.

U specifičnoj 2020. godini



Nefisa Berberović je do marta osvojila dva turnira u Tunisu, a Anita Husarić stigla do polufinala turnira u Turskoj i nedavno u Tunisu. Pandemija korona virusa je prekinula uspješan put naših teniserki, otežala put na turnire zbog ograničenja putovanja i

ograničila mogućnost treninga u kampovima. Kako ističu, najveća želja u 2021. godini je da pandemija napokon bude iza nas i da se što prije vrate redovnim aktivnostima. Berberović je trenutno 574. igračica na WTA listi, a Husarić 851.





Hamza Čajić, član KBS "ORKKA" i jedan od najboljih evropskih karatista

# Biti prvak Evrope i svijeta – to je moj cilj

uspio okriti se titulom seniorskog viceprvaka Balkana u kategoriji seniori -84 kg i osvojiti treće mjesto odnosno bronzanu medalju sa seniorskom ekipom BiH na istom takmičenju. Iskreno se nadam da će se situacija s pandemijom smiriti, kako bi mogli sljedeće godine nadoknaditi sve što nismo uspjeli ove godine.

**Prošle godine ste na Evropskom prvenstvu u Danskoj osvojili bronzanu medalju i to je zapravo bila jedina medalja za BiH. Po čemu se još sjećate tog takmičenja?**

- To takmičenje mi je posebno drago i uvijek će mi ostati u prelijepom sjećanju, naravno kao i svako drugo Evropsko prvenstvo u kojem sam uspio osvjetliti obraz naše domovine. Posebno mi je drag taj turnir jer sam uspio osvojiti kako ste i rekli jedinu medalju za našu BiH na tom Prvenstvu i ujedno mi je to prva veća seniorska medalja s takvog nivoa takmičenja. Dosta mojih kolega iz reprezentacije je bilo jako blizu medalje, ali su nijanse išle u korist protivnika. Zahvaljujući dobroj fizičkoj a i psihičkoj pripremi zajedno s mojim trenerom Željkom Zombrom, uspjeli smo zadnji dan takmičenja doći do te jedine bronzane medalje. Kroz pet mečeva u kojima sam ostvario četiri ubjedljive pobjede nad predstavnicima Ukrajine, Engleske, Holandije i Škotske. Nažalost u četvrtfinalu sam zaustavljen od reprezentativca Makedonije gdje

je rezultat bio neriješen. Međutim, odlukom sudija sam izgubio taj meč, gdje su nijanse odlučivale ko će ići dalje. Samo jedna zastavica nas je dijelila sigurno od ulaska u finale i sigurno sjajnije medalje.

**Stalni ste reprezentativac BiH u karateu i jedan od najboljih karatista i takmičara koje je naša zemlja imala. Ko je osim Vas zaslužan za Vaše uspjehe?**

- Iza svih mojih uspjeha koje sam postigao u dosadašnjoj karijeri stoji dosta ljudi koji su zaslužni za to.

došli do nje. To su uspjesi i medalja svih nas, ne samo mene.

**Jedan ste od najboljih ambasadora BiH u svijetu sporta, no koliko se danas isplati baviti karetom?**

- Jako se ponosim time što sam uspio doći do toga i predstavljati našu državu u što boljem svjetlu. Moram reći da karate kao sport nema toliku podršku, kao što ima u ostalim zemljama Balkana, a da ne pričamo o zemljama Evrope i ostalih kontinenata. Mnogo više podrške



## Neostvarene želje

- Mnoge svoje ciljeve, želje i snove u mlađim uzrasnim kategorijama sam uspio ispuniti za koje sam mnogo zahvalan i ponosan. I dalje sam prvi na oficijelnoj WKF rang listi svih vremena u kategoriji kadeti +70 kg gdje sam uspio napraviti najveće rezultate. Naravno preostaje ogromna želja i san da postanem seniorski prvak Evrope i svijeta, kako bih uspio zapečatiti dosadašnje rezultate.

Najviše moj trener Željko Zomba, koji je uvijek posvećen maksimalno i na stalnom je raspolaganju. Spreman je uraditi bilo šta za svoje takmičare. Pored njega naravno tu su moje kolege koji se redovno pripremaju sa mnom pred svako važno takmičenje a naravno i moji roditelji i porodica od kojih imam stalnu maksimalnu podršku. Zahvaljujući podršci od strane Općine Lukavac, Ministarstva za kulturu i sport TK, pojedinih privatnika i prijatelja smo uspjeli realizovati svaki odlazak na veće prvenstvo u kojem je uslijedio uspjeh. Svaka moja medalja je zajednička i zajedničkim trudom smo

i ulaganja postoji u ostalim zemljama. Nadam da će se situacija u našoj zemlji što se bilo kojeg sporta tiče popraviti, ne samo karate.

**Koji su planovi za narednu godinu, je li poznat kalendar takmičenja?**

- Dosta bitnih turnira je odgođeno za sljedeću godinu, mada gledajući na situaciju koja nas je zahvatila, ne znamo da li će se održati. Mi se nadamo da će se situacija vratiti u normalu kako bi mogli otići i nadoknaditi turnire koje smo propustili, a pripremat ćemo se maksimalno kao i do sada.

D.D.

Dvadesetogodišnji Hamza Čajić iz Lukavca, je član KBS "ORKKA" i jedan od najsuspešnijih karatista koje naša zemlja ikada imala. Pandemija koronavirusa uveliko je poljuljala Hamzine i planove njegovog trenera Željka Zombre, inače selektora muške juniorske karete reprezentacije BiH. No, bez obzira na to Hamza i dalje vrijedno radi i trenira.

Osvajač je na desetine medalja kako u BiH, tako i na evropskim i svjetskim turnirima, a još uvijek drži prvo mjesto na oficijelnoj WKF rang listi svih vremena u kategoriji kadeti +70 kg.

**Godinama unazad ste bili prvak Balkana, višestruki prvak Evrope i višestruki osvajač Svjetskog kupa u karateu. Šta je sa takmičenjima i nastupima u ovoj godini?**

- Ove godine nismo uspjeli napraviti rezultate kao što smo ih pravili prošlih godina, mada smo iskoristili sve moguće nastupe koji su bili do marta ove godine, dok se nije situacija sa covid-om pogoršala, što je dovelo do odgođanja najvećih turnira poput Evropskog i Svjetskog prvenstva. Ove godine sam

## Uticaj pandemije na karijeru

- Mnoga takmičenja su kao što sam rekao odgođena, a samim tim nismo imali priliku da napravimo veće i vrijednije rezultate od spomenutih, kada je ova godina u pitanju. Gotovo cijelu godinu nije bilo turnira, ali zahvaljujući dobrom odnosu između klubova i država Balkana, uspjeli smo otići i na pripreme, gdje smo bar na neki način nadoknadili mečeve sa dobrim i kvalitetnim borcima. Pandemija koronavirus nije nas spriječila da nastavimo trenažni proces, što je najbitnije, ali uz pridržavanje svih higijensko – epidemioloških mjera. Nadam se da će sve ovo proći što prije, da će situacija biti kao ranije, kako bi mogli nastaviti ono što najbolje radimo.

**U jednoj sezoni u Tuzlanski kanton stigla četiri trofeja u kolektivnim sportovima**

# RMU Banovići, Salines Tuzla City i RK Sloboda donijeli trofeje visokog sjaja

**T**rofeji u popularnim kolektivnim sportovima u posljednjoj deceniji nisu bili baš česta pojava u Tuzlanskom kantonu. Ako je suditi po učinku u 2020. godini, čini se da su sušne godine iza nas.

Pehare pobjednika u prvenstvenim i kup takmičenjima u ovoj godini donijeli su ŽKK RMU Banovići, čije su se igralice okitile duplom krunom, zatim futsal klub Salines Tuzla City koji su postali prvaci države, te rukometaši Slobode koji su u Tuzlu donijeli trofej osvajača Kupa Bosne i Hercegovine.

plasmana/poretka košarkaških klubova u Prvenstvu Bosne i Hercegovine za žene Banovićanke su proglašene za pravakinje Bosne i Hercegovine u košarci.

-Imamo iste planove i u ovoj sezoni. Bez obzira na naš roster, na sastav drugih timova mi uvijek imamo isti cilj. To je biti najbolji u oba bh. takmičenja i odbraniti trofeje iz prethodne sezone – rekla nam je Jasna Sliško, predsjednica ŽKK RMU Banovići.

Uprava ovog kluba se ni ove sezone nije odlučila za nastup u skupim FIBA takmičenjima,



Rezultat nije izostao.

Timska i kvalitetna igra uz zalaganje svih članova Uprave kluba, rezultirala je vrhunskim uspjehom. Posebno je bitna podrška Azmira Husića, generalnog sponzora, ali svakako i dovođenje trenera Predraga Rajića i Zorana Rakičevića.

-Ogroman je ovo uspjeh za Salines. Nakon 15 godina, šampionska titula je došla u Tuzlu. Ove tri godine su bile plod mukotrnog rada i našeg entuzijazma. Pokazali smo da naš cilj nije bio nedostižan. Isplatilo se – rekao nam je Boris Filipović, predsjednik Skupštine kluba.

Tuzlaci su već nastupili i u Futsal Ligi prvaka gdje su upisali pobjedu rezultatom 3: 10 u utakmici protiv FC Encamp iz Andore. Naredni protivnik im je ekipa TTG-Ugra Yugorsk iz Rusije sa kojom se sastaju u januaru.

## RK Sloboda

Rukometaši Slobode do dugo očekivanog trofeja stigli u

finalu Kupa Bosne i Hercegovine, gdje su savladali RK Izviđač CO Ljubuški rezultatom 29:28 i osvojili treću titulu u historiji kluba. Na putu do finala Tuzlaci su slavili u duelu protiv Borca m:tel (23:19). Finalna utakmica odigrana je na Stadionu sportskih igara u Doboju.

-To je prvi trofej koji sam osvojio u karijeri i neopisiv je osjećaj što sam to uspio sa svojim matičnim klubom. Svi smo žarko željeli taj pehar i to je sigurno bilo presudno u obje utakmice. Trener je od nas tražio borbu ali i smirenost kada je to trebalo i ta kombinacija je bila dobitna – rekao nam je Emir Suhonjić, kapiten tuzlanskih rukometaša, koji se nakon internacionalne karijere vratio u matični klub.

RK Sloboda je samo prije godinu dana igrala u Prvoj ligi FBiH, ali je dobrom organizacijom, zdravom politikom i sa mladom upravom uspjela pokazati da se i sa ne toliko velikim budžetima mogu osvajati trofeje.



## ŽKK RMU Banovići

Banovićanke su još jednom ponovile uspjeh iz prethodne godine i odbranile oba osvojena trofeja.

Pobjednice Kupa Bosne i Hercegovine za sezonu 2019/20 postale su na završnom turniru u Banja Luci, gdje su pobijedile zenički Čelik 86:56 i odbranile prošlogodišnji naslov.

Do titule prvaka ekipa iz Banovića je došla nakon što je Upravni odbor Košarkaškog saveza Bosne i Hercegovine, radi sprečavanja širenja i suzbijanja korona virusa (COVID – 19) donio odluku o završetku košarkaškog Prvenstva Bosne i Hercegovine za žene i muškarce u takmičarskoj sezoni 2019/2020.

Na temelju konačnog

a međunarodno iskustvo Banovićanke stižu u regionalnoj WABA ligi

## Futsal klub Salines Tuzla City

Futsal klub Salines Tuzla City prvak Premijer futsal lige BiH postao je po odluci N/FS BiH. Zbog pandemije korona virusa, takmičenje je prekinuto, a Salines kao prvi na tabeli, donio je historijski uspjeh Tuzli.

Salines je osvajanjem titule prekinuo trogodišnju dominaciju ekipe FC Mostar SG u Premijer futsal lige BiH. Momčad Salinesa u šampionskoj sezoni je bila prepoznatljiva po sjajnoj igri, požrtvovanosti, organizovanosti, a posebno po želji za pobjedom u svakoj odigranoj utakmici.





## Kuglaši klub Sloboda

# I bez kuglane u svom gradu prave odlične rezultate

Odbrojavaju se posljednji dani 2020. godine koja je po mnogo stvari drugačija nego prethodne godine. Uzimajući u obzir poteškoće koje su zadesile cijeli svijet uzrokovane pandemijom Covid 19, nezapamćeno nevrjeme koje je devastiralo SKPC Mejdan i mnoga druga dešavanja unutar kolektiva slobodno i sa ponosom možemo reći da smo sve ove nedaće na najbolji mogući način prevazisli a uz to uspjeli ostvariti i zavidne rezultate pogotovo u zadnjem kvartalu godine - kaže Aco Lakić predsjednik UO Kuglaškog kluba Sloboda za Sportski glasnik TK.

Predsjednik se osvrnuo i na uslove u kojim klub radi i egzistira kao i na rezultate u tekućoj sezoni.

- Kuglaški klub Sloboda već duži niz godina tačnije od 2012 godne domaće utakmice igra van svog grada s obzirom da kuglane u Mejdanu nije zadovoljavala uslove za odigravanje utakmica Premijer lige, utakmice su prvobitno igrane



u Maglaju a poslije u kuglani u Lukavcu. Ovo je za naš kolektiv najveći problem i samo velikim zalaganjem svih članova kluba uspijevamo opstati. Da stvar bude još gora pobrinulo se veliko nevrjeme koje je ove godine u potpunosti uništilo kuglanu u Mejdanu tako da poslije toga i trenažni proces održavamo

u Lukavcu što iziskuje velika odricanja i troškove - istakao je Lakić.

I pored svih problema ekipa postiže izuzetne rezultate. U prethodnoj sezoni koja je prekinuta u martu četiri kola prije kraja tuzlanski kuglaši su zauzeli 6. mjesto sa samo četiri boda zaostatka za drugom ekipom.

U ovoj sezoni poslije odigranog jesenjeg dijela (11. kola) nalaze se na četvrtom mjestu. Na Kup-u FBiH koji je održan krajem novembra u Sarajevu ekipa je zauzela 2. mjesto i plasirala se na završni turnir Kupa BiH.

Pored ekipnih uspjeha treba pomenuti i pojedinačne uspjehe igrača ovog kluba. Početkom januara Senad Jogunčić i Nermin Kasumović su se plasirali u finale (među 16 najboljih) međunarodnog turnira u Prijedoru na kojem je učestvovalo više od 350 igrača iz šest zemalja. Na pojedinačnom prvenstvu FBiH održanom sredinom decembra sva tri igrača Slobode koja su igrala su se plasirala među osam najboljih i ostvarili pravo nastupa na završnicu pojedinačnog prvenstva BiH. Mithad Jogunčić je osvojio 2. mjesto, a u finale su prošli Samir Jogunčić i Nermin Kasumović.

-Sve nabrojane rezultate teško da bi mogli ostvariti prvenstveno bez velikog odricanja svih igrača ali i pomoći naših prijatelja i sponzora. Posebno ističemo pomoć Vlade TK odnosno Ministarstva za kulturu sport i mlade koji su prepoznali naš rad i finansijski podržali naš kolektiv - ističu u Kuglaškom klubu Sloboda.

## BK Zmaj od Bosne proglašen najboljim klubom Biciklističkog saveza BiH

# Kenan Mehmedović bez premca u kategoriji kadeta

U Bihaću je u decembru održana Svečana skupština i dodjela priznanja za najbolje takmičarke, takmičare i zaslužne predstavnike Biciklističkog saveza BiH. Tuzlanski klub Zmaj od Bosne je ponovo pobjednik Premijer lige BiH u zbiru bodova za mlađe kadete, kadete, juniore, elitu i žene. Ispred banjalučkog BSK i Rotacije, također, Zmaj od Bosne je pobjedio u zbiru bodova za masterse (veterane) ispred tuzlanskog Jedinstva i zeničke Rotacije A,B,C kategorija.

Klub Zmaj od Bosne je proglašen najboljim klubom

u Biciklističkom savezu BiH u konkurenciji od 25 klubova. Takmičar ovog kluba Kenan Mehmedović je ponovo pokazao da je bez premca u kategoriji kadeta, budući da je pobjedio u Premijer ligi za 2020. godinu. Trener ovog kluba i selektor reprezentacije BiH Hajrudin Trle je dobio posebno priznanje od Biciklističkog saveza BiH za njegov veliki jubilej - 50 godina aktivnog rada u biciklističkom sportu.

"Moram reći i da je Biciklistički klub Zmaj od Bosne dobio priznanje za jednog od najboljih organizatora biciklističkih trka. Pored izuzetno



teške situacije i pandemije Covid -19 uspjeli smo organizovati tri trke koje su se bodovale za Premijer ligu BiH. Jedna od njih je bila i Državno prvenstvo u brdskom hronometru. Pošto smo i ove godine pored svih teškoća koje su nas pratile, priveli kraju izuzetno uspješnu sezonu, željeli bi da se zahvalimo onima koji su bili uz nas u ovoj teškoj situaciji, a to su roditelji naših takmičara, sponzori, mediji, profesori i učitelji

od naših takmičara. Također moram reći i da bi podrška nadležnih, trebala biti malo bolja i jača u svim segmentima, jer postizemo izvanredne rezultate", izjavio je selektor naše reprezentacije Hajrudin Trle.

"Ovo sve ne bi mogli uspjati da nismo imali jedan kompletan tim, koji funkcioniše kao jedna porodica na što smo svi ponosni", zaključio je Trle.

**D.D.**



Liga mladih košarkaša RKS Tuzla počela nakon devet mjeseci pauze

# Zdravlje na prvom mjestu, promijenjen sistem takmičenja

Nakon duge pauze od devet mjeseci, prouzrokovane pandemijom COVID-19, Liga mladih košarkaša RKS Tuzla, najkvalitetnije organizovano takmičenje za mlade sportiste u ovom dijelu Bosne i Hercegovine, novu sezonu je počela tek u decembru.

-Regionalni košarkaški savez Tuzla kao organizator, te klubovi učesnici dogovorili su drugačiji sistem takmičenja u novoj sezoni, a sve u cilju zaštite zdravlja svih učesnika. Uzimajući sve činjenice u obzir kao i preporuke kriznih štabova na sastanku rukovodstva i učesnika lige prihvaćeno da se ove sezone Liga mladih RKS Tuzla igra po grupama a poslije odigranih grupa odigrat će se i završnice na osnovu plasmana – rekao nam je Sead Selmanović, tehnički



komesar lige.

Ekipa su podijeljene u tri grupe, a rangirane na osnovu plasmana u posljednjih pet godina. Tako grupu A čine: Spartans, ABC Basket,

Gračanica, Bosna i Gradačac. Grupa B su: Dragons, Findo, Lukavac, Silver Kings i Modriča, grupa C: OKK Sloboda, Gradina, Lions, Kladanj 72 i Živinice.

U grupama se utakmice odigravaju po dvostrukom bod sistemu i igrat će se ukupno 10 kola. Nakon odigranog ligaškog dijela od 10 kola, dvije prvoplasirane ekipe i dvije najbolje trećeplasirane ekipe iz grupa A, B i C igraju završnicu "Final 8".

Sve ekipe prilikom odigravanja utakmica morat će poštovati Protokol COVID 19 i Propozicije takmičenja koje su jasno definisale pravila odigravanja utakmica kako bi se mogućnost prijenosa koronavirusa sve, a na minimum.

Kao i u prethodnoj sezoni, kvalitet takmičenja i nivo organizacije takmičenja su prepoznala i dva kluba iz entiteta Republika Srpska (Modriča i Findo), te se pridružili svojim sportskim prijateljima iz Tuzlanskog kantona.

**Dobri rezultati ekipa iz Tuzlanskog kantona u finalu regionalnih Sportskih igara mladih**

## Dječacima iz Gradačca zlato, Tuzlacima srebro, bronza u Gračanici

Nakon više od stotinu dana putovanja i takmičenja širom Bosne i Hercegovine, u Sarajevu je u oktobru završeno i Veliko državno finale Plazma Sportskih igara mladih. Igre su zajedno sa djevojčicama i dječacima iz svih dijelova naše države, kroz takmičenja, druženja i zabavu proslavile svoj deseti rođendan.

Zbog epidemiološke situacije, održavanjem polufinalnih regionalnih turnira u okviru BH Telecom Sportske igre mladih Turneje radosti, broj finalista je smanjen u odnosu na sve prethodne godine. Učesnici takmičenja u pojedinačnim sportovima svoje medalje su dobili po okončanju takmičenja u svom gradu, a na Veliko finale u Sarajevo doputovali



su predstavnici u ekipnim sportovima: malom nogometu, odbojci, košarci i rukometu.

U takmičenju u malom nogometu za 2009. godište, u finalnom susretu sastale su se ekipe ŠN „Limači“ iz Čapljine i NK „Zvijezda“ iz Gradačca. Iako su dječaci iz ŠN „Limači“ slovili za favorita, s obzirom da iz prethodnih

godina imaju osvojene tri zlatne medalje sa ovog takmičenja, odlična ekipa NK „Zvijezda“ savladala ih je u ovogodišnjoj finalnoj utakmici rezultatom 4:1.

Do finala dječaci iz Gradačca su bili bolji od predstavnika Srbije, ekipe iz Proboja sa 3:1, te Marsonije, predstavnika Hrvatske sa 2:1. Ekipu iz Gradačca su pored trenera

Esmira Lipovca činili: Tarik Taletović, Mirza Ćosić, Nidal Duraković, Tarik Peštalić, Vedad Numanović, Hasan Zaketović, Nihad Džombić, Alden Mulaomerović, Rijad Lipovac i Dino Škorić.

Od ekipa iz Tuzlanskog kantona dobre rezultate su postigli i rukometaši RK Sloboda koji su stigli do finala, te košarkaška ekipa djevojčica „Wonder girls“ iz Gračanice, koja je osvojila bronzanu medalju.

U okviru finalnog takmičenja svi učesnici su nastavili učiti o važnosti poštivanja različitosti i fair playu na terenu, kroz projekat „Fer igra za fer djetinjstvo“, kojeg Igre realiziraju uz finansijsku podršku Američke agencije za međunarodni razvoj USAID.



## Košarka u kolicima

# Gradačaćki Zmaj najbolji na međunarodnom turniru “Sport bez granica”

Košarkaši KKK Zmaj iz Gradačca u decembru su osvojili međunarodni turnir “Sport bez granica”, koji je organizovao KKK Bijeljina uz podršku Ministarstva civilnih poslova Bosne i Hercegovine i Grada Bjeljine, a učesnik je, pored domaćina i KKK Zmaj iz Gradačca

bili i KKK Nais iz Niša.

KKK Zmaj, euroligaška momčad i neporažen u prethodnoj nezavršenoj sezoni regionalne NLB lige košarke u kolicima opravdao je ulogu favorita i došao do pobjedničkog pehara. Iako oslabljeni neigranjem Enesa Kamberovića, standardnog

reprezentativca Bosne i Hercegovine, igrači trenera-igrača Arneta Mulića, pobijedili su obje utakmice. Najbolji igrač turnira bio je kapiten KKK Zmaj Edis Imširović koji je u obje utakmice ostvario dvocifren učinak po broju poena, asistencija i skokova.

“Ovaj turnir opravdao je svoje ime. Prijateljstvo sa KKK Bijeljina traje više od jedne decenije. Drago mi je što smo ostvarili prve kontakte sa KKK Nais. Niš ima mlad klub, vrlo solidne organizacije i dobrog potencijala. Imaju ogromnu akademsku podršku, prate ih lokalna samouprava i sponzori, vidljivi su u medijima. Vjerujem da u bliskoj budućnosti možemo imati saradnju – istakao je Edis Imširović



## Izbor najuspješnijih sportista osoba sa invaliditetom u BiH

# Nikad više priznanja za sportiste iz Živinica



Decembar je rezervisan za sumiranje postignutih rezultata u godini koja je na izmaku. Hotelu Hollywood

na Ilidži bio je mjesto izbora i proglašenja najuspješnijih sportista osoba sa invaliditetom Bosne i Hercegovine za rezultate

ostvarene u 2020. godinu.

U veoma jakoj konkurenciji za najuspješnijeg sportistu Bosne i Hercegovine proglašen je Nijaz Noćajević, član Živiničke Mrene. Također, ekipa Tuzlanskog kantona u sportskom ribolovu, proglašena je najuspješnijom u BiH, a za trenera među najboljim u Bosni i Hercegovini proglašen je Drago Jakić iz Živinica.

Ali, ni to nije sve kada su u pitanju ribolovci Živinica, jer je za sportskog radnika BiH, posebno priznanje dobio Sulejman Čerkezović, -predsjednik OSI TK, dok je Šefika Mujić, u invalidnom streljaštvu proglašena za najperspektivniju sportistkinju u 2020. godini.

Toliko priznanja nikada do sada nije stiglo za sportske ribolovce Grada Živinice, te su u Hotelu Hollywood dominirali scenom za dodjelu nagrada.

Š. G.

## IMPRESUM

**Sportski glasnik  
Tuzlanskog kantona  
Informativni magazin  
Ministarstva za kulturu,  
sport i mlade  
Tuzlanskog kantona**

**Izdavač:  
Ministarstvo za kulturu, sport i  
mlade Tuzlanskog kantona**

**Adresa: Rudarska 65  
75000 Tuzla  
Bosna i Hercegovina**

**Telefon: +387 (0)35 369-352  
e-mail: mksm@tk.kim.ba**

**Za izdavača:  
Srđan Mićanović**

**Ustupljeni materijali:  
Ministarstvo za kulturu, sport  
i mlade Tuzlanskog kantona,  
Odjel za informisanje Vlade  
TK, Tuzlanska informativna  
agencija, Tuzlainfo.ba,  
Federalna televizija**

**Fotografija: Darko Zabuš,  
Armin Kendić, Arhive: MKSM,  
SSTK, Tuzlainfo.ba**

**DTP:  
DSO LEVEL Tuzla**

**Realizacija:  
DSO PROMUS Tuzla  
e-mail: promus.tuzla@gmail.com**

**Urednik:  
Nedim Čudić**

**Štamparija:  
OFF SET d.o.o. Tuzla  
Tel/fax: 035/297-197**

**Tiraž:  
300 primjeraka**

# ***SPORTSKI GLASNIK TK***



Ministarstvo za kulturu,  
sport i mlade Tuzlanskog kantona

[www.mksmtk.gov.ba](http://www.mksmtk.gov.ba)

# ***SPORTSKI GLASNIK TK***